

## 63. gr.

Til viðbótar árlegri fjárhagsáætlun skal hreppsnefnd semja og fjalla um þriggja ára áætlun um rekstur, framkvæmdir og fjármál sveitarfélagsins. Þessi þriggja ára áætlun skal vera rammí um árlegar fjárhagsáætlanir sveitarfélagsins. Skal hún unnin og afgreidd af hreppsnefnd innan eins mánaðar frá afgreiðslu árlegrar fjárhagsáætlunar.

## 64. gr.

Strax að lokinni afgreiðslu hreppsnefndarinnar skal senda félagsmálaráðuneytinu fjárhagsáætlun skv. 60. gr. og þriggja ára áætlun skv. 63. gr. Sama á við um endurskoðaða áætlun eða breytta skv. 62. gr.

## 65. gr.

Ársreikningur sveitarfélagsins skal fullgerður, endurskoðaður og tilbúinn til afgreiðslu í hreppsnefnd fyrir lok aprílmánaðar.

Hreppsnefndin skal taka til umfjöllunar og afgreiðslu álit, greinargerðir og tillögur endurskoðanda og skoðunarmanna.

Hreppsnefnd skal hafa lokið fullnaðarafgreiðslu ársreikninga sveitarsjóðs, stofnana sveitarfélagsins og fyrirtækja þess eigi síðar en 1. júní ár hvert. Hreppsnefndarmenn og sveitarstjóri, ef hann er ráðinn, skulu árita ársreikninginn.

Eintak af ársreikningnum skal senda félagsmálaráðuneytinu og Hagstofu Íslands fyrir 15. júní ár hvert ásamt greinargerð endurskoðanda og skoðunarmanna.

Samþykkt þessi, sem hreppsnefnd Hrunamannahrepps hefur gert samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

*Félagsmálaráðuneytinu, 15. ágúst 2000.*

F. h. r.

**Húnbogi Þorsteinsson.**

*Sesselja Árnadóttir.*

## REGLUGERÐ

### um vinnmál og löggildingu þeirra.

## 1. gr.

*Gildissvið.*

Reglugerð þessi fjallar um allar gerðir vinnmála sem notuð eru til að mæla skammta áfengis sem ætlað er til sölu.

## 2. gr.

*Skilgreiningar.*

*Brúnarmerki* eru tvö innsiglistmerki sem slegin eru í veltivinnmál til staðfestingar málrúmtaki þess. Þau eru slegin í veltivinnmál þétt við efstu brún þess. Merkin skulu þannig mótuð að unnt sé að sjá hvort sorfið hafi verið af brúninni eftir að vinnmálið hefur verið löggilt. Brúnarmerki skulu vera gegnt hvort öðru.

*Frummannprófun* er aðferð til að ganga úr skugga um að framleiðsla tækis sé í samræmi við viðurkennda frumgerð og standist mælifræðilegar kröfur, m.a. um heimiluð hámarksfrávik og merkingar.

*Gerðarviðurkenning* byggist á ítarlegri gerðarprófun þar sem prófað hefur verið eftir kröfum viðkomandi tilskipana og reglugerða eða annarra kröfuskjala. Gerðarviðurkenning er forsenda frumsannprófunar og markaðssetningar eftir öðrum leiðum.

*Glas* merkir hér glas eða könnu sem notuð eru til að mæla og selja áfengi.

*Heimiluð hámarksfrávik* eru stærstu gildi sem leyfð eru fyrir frávik í reglugerðum, stöðlum og öðrum kröfuskjölum fyrir tiltekin mælitæki.

*Mæligrunnur* merkir áþreifanlega mælikvarða, mælitæki eða mælibúnað til þess að skilgreina, raungera, varðveita eða birta einingu eða gildi eðlisfræðistærðar til þess að flytja þessa einingu eða stærð yfir á önnur mælitæki með samanburði.

*Vínmál* er samheiti fyrir veltivínmál, vínskammtara og glös.

*Vínskammtari* er samheiti fyrir hálfsvírfirka og sjálfvirka vínskammtara fyrir þunnfljótandi áfengi.

*Þunnfljótandi* telst áfengi sem hefur minna en 5% þurrrefnisinnihald, svo sem vodka, viskí og brennivín.

### 3. gr.

#### *Hæfniskröfur.*

Löggildingaraðili skal uppfylla þær kröfur sem fram koma í reglugerð um starfshætti þeirra sem annast löggildingar mælitækja í umboði Löggildingarstofu.

Prófunarmaður skal hafa yfir að ráða nægilegri tæknikunnáttu til að annast löggildingar vínmála og meta ástand þeirra út frá prófunum og skoðunum. Tryggt skal að kunnáttu hans sé við haldið með endurmenntun. Hann skal kunna skil á þeim reglum sem gilda um vínmál.

Tæknilegur stjórnandi skal vera verkfræðingur eða tæknifræðingur og hafa þekkingu á vínmálum og reynslu af löggildingu þeirra. Undanþágu má gera frá framangreindum skilyrðum um þekkingu og reynslu ef viðkomandi hefur menntun eða starfsreynslu og þjálfun sem faggildingarsvið Löggildingarstofu telur fullnægjandi. Tæknilegur stjórnandi er ábyrgur fyrir öllum löggildingum sem prófunarstofa vinnur.

Tæknilegur stjórnandi og prófunarmaður aðila með B-faggildingu á sviði löggildinga skulu uppfylla sömu hæfniskröfur og prófunarmaður.

### 4. gr.

#### *Mælitæki notuð við löggildingu.*

Öll mælitæki sem löggildingaraðili notar í tengslum við löggildingar vínmála skulu vera kvörðuð og skal kvörðunin rekjanleg til landsmæligrunna á Íslandi.

Vatn notað við prófun skal vera  $20 \pm 1^\circ\text{C}$ . Vog notuð við prófun skal ekki hafa meiri óvissu en 0,2 g við 30 g en 0,4 g við 60 g. Hitamælir notaður við prófun skal ekki hafa grófari deilingu en  $0,2^\circ\text{C}$  við  $20^\circ\text{C}$ .

### 5. gr.

#### *Aðstæður.*

Vog, sem notuð er við löggildingar vínmála, skal vera lárétt á stöðugu borði, umhverfi skal vera hreint og loft kyrrt og allar aðstæður skulu vera þannig að þær spilli ekki niðurstöðu vigtunar. Lýsing þarf að vera góð þannig að nákvæmlega megi fylgjast með fyllingu vínmála. Aðstaða skal vera til að stilla flöskum upp með stöðugum hætti þannig að auðvelt sé að taka sýni úr fyllingum sjálfvirkra og hálfsvírfirka vínskammtara. Umhverfishitastig skal vera stöðugt og sem næst  $20^\circ\text{C}$ .

## 6. gr.

*Löggildingarhæfi.*

Ekki er krafist gerðarviðurkenningar eða frumsannprófunar fyrir vinnmál en gerð þeirra er lýst í viðauka.

Löggildingarhæfi vinnmála er staðfest með því að skoða og prófa hvort gerð og mælifræðilegir eiginleikar vinnmáls séu í samræmi við kröfur þessarar reglugerðar. Einkum er um að ræða staðfestingu þess að kröfur um heimiluð hámarksfrávik séu uppfylltar.

Löggildingarstofa metur löggildingarhæfi vinskammtara og veitir heimild til löggildingar á grundvelli tæknilegra gagna og prófana.

Heimiluð hámarksfrávik við löggilding vinnmála eru hin sömu og leyfileg notkunarf rávik. Leyfileg frávik eru:

1.  $\pm 1,0$  ml fyrir 3 cl og  $\pm 2,0$  ml fyrir 6 cl veltivinnmál.
2.  $\pm 1,5$  ml fyrir 3 cl og  $\pm 3,0$  ml fyrir 6 cl vinskammtara.
3. 5% fyrir glös með 10 cl málrúmtak eða minna og 3% fyrir glös með meira en 10 cl málrúmtak.

Kerfisbundin misnotkun vikmarka er óheimil.

## 7. gr.

*Löggilding vinnmála.*

Vinnmál má ekki löggilda nema það uppfylli skilyrði um löggildingarhæfi.

Við löggilding vinnmála skal fara eftir verklagsreglum sem Löggildingarstofa hefur samþykkt. Mæla skal rúmtak sérhvers vinskammtara a.m.k. fjórum sinnum.

Veltivinnmál eru löggilt með því að löggildingartákn ásamt faggildingarnúmeri prófunarstofu og ártali þess árs sem löggilt er á er slegið í arm þess. Einnig skal slá brúnamerkin í málið til staðfestingar málrúmtaki. Vinskammtarar eru löggiltir með því að innsigla þá og festa einnig á þá löggildingarmiða þegar því verður við komið. Ártal á löggildingarmiða merkir árið þegar gildistími löggildingar rennur út en ártal á löggildingarhnappi er árið þegar löggilt var. Þegar bæði er settur löggildingarmiði og löggildingarhnappur sem innsigli má sleppa ártali á hnappinum.

Glös sem eru eins að allri gerð eins og lýst er í 3. tölul. viðaukans teljast löggilt.

## 8. gr.

*Tíðni löggildinga.*

Ekki má taka veltivinnmál eða vinskammtara í notkun án undanfarandi löggildingar.

Veltivinnmál verða ekki endurlöggilt en vinskammtara skal löggilda á 3 ára fresti.

## 9. gr.

*Afturköllun löggildingar.*

Löggilding vinnmáls fellur úr gildi ef:

1. Vinnmál skaddast eða bilar.
2. Innsigli er rofið.
3. Frávik við notkun er meira en heimiluð hámarksfrávik.

## 10. gr.

*Skýrslugerð.*

Skýrslugjöf til Löggildingarstofu skal vera í samræmi við reglugerð um starfshætti þeirra sem annast löggildingar mælitækja í umboði Löggildingarstofu eftir því sem við á um vinnmál.

Eftirfarandi upplýsingar skulu koma fram í prófunarskýrslum sem lagðar eru til grundvallar löggilding vinnmála:

1. Gerð vinnmáls.
2. Málstærð vinnmáls.
3. Niðurstaða prófunar.
4. Aðstæður.

Þessar upplýsingar skulu vera aðgengilegar starfsmönnum Löggildingarstofu.

#### 11. gr.

##### *Málskot.*

Komi upp ágreiningur um úrskurð Löggildingarstofu um einhver atriði varðandi ákvæði eða beitingu þessarar reglugerðar má skjóta málinu til ráðherra.

#### 12. gr.

##### *Gildistaka.*

Reglugerð þessi er sett með heimild í lögum nr. 100/1992 um vog, mál og faggildingu og öðlast þegar gildi. Jafnframt fellur úr gildi reglugerð nr. 541/1996 um vinnmál og löggildingu þeirra.

*Viðskiptaráðuneytinu, 18. ágúst 2000.*

F. h. r.

**Porgeir Örlygsson.**

*Atli Freyr Guðmundsson.*

#### VIÐAUKI

##### **Gerð vinnmála.**

#### **1. Veltivinnmál.**

- 1.1. Veltivinnmál er opið mæliker sem velt er við til að tæma það. Veltivinnmál skal vera gert úr ryðfríu stáli eða öðrum þeim málmum sem uppfyllir kröfur reglugerðar um efni og hluti sem ætlað er að snerta matvæli. Efnisstyrkur málsins skal nægjanlegur til að það aflagist hvorki við meðhöndlun né langvarandi notkun. Gert skal ráð fyrir að hægt sé að slá í það löggildingartákn án þess að það aflagist.
- 1.2. Veltivinnmál skal hafa hringlaga botn og víkkandi þversnið upp að brún. Brúnir veltivinnmáls skulu vera jafnar að ofan og án kanta svo að hægt sé að slá í þær brúnarmerki.
- 1.3. Veltivinnmál skal hafa tvo mótlæga arma til þess að halda málinu uppi þegar það er lagt ofan á glas sem verið er að skammta í. Armarnir skulu þannig gerðir að málið sitji stöðugt á glasi, hvort heldur málið er tómt eða fullt.
- 1.4. Málrúmtak veltivinnmáls miðast við að það sé fyllt að efstu brún.
- 1.5. Málrúmtak veltivinnmála skulu vera 3 eða 6 cl og skal það tilgreint greinilega á þeim.

#### **2. Vínskammtari.**

- 2.1. Vínskammtarar skulu þannig gerðir bæði hvað varðar efni og útlit að þeir hvorki breytist né aflagist í tímans rás eða við notkun.
- 2.2. Hálfsvjálfrir vínskammtari er vinnmál sem sett er á flöskustút og fyllist sjálfkrafa en tæmist handvirkt. Meginhlutar vínskammtarans eru hólkur sem gengur inn í flöskustútin, mælihólf, sjálfvirkur loki sem opnar fyrir rennsli í mælihólflið og handvirkur loki sem opnar fyrir rennsli úr því. Við skömmtun áfengis úr flösku með vínskammt-

aranum er flaskan höfð á hvolfi og handvirki lokinn notaður til að tæma hólfið en á meðan er lokað fyrir rennsli í það. Sjálfvirki lokinn skal annars standa opinn. Mælihólf hálfsjálfvirkra vínskammtara skal vera þannig gert að hægt sé að sjá hvort það er fullt eða ekki.

- 2.3. Vínskammtarar skulu svo útbúnir að hægt sé að innsigla þá. Eftir að þeir hafa verið innsiglaðir má ekki vera hægt að breyta neinu því sem haft getur áhrif á mælt magn eða mælinákvæmni, nema með því að rjúfa innsiglið.
- 2.4. Vínskammtarar mega vera með teljara sem telur hversu oft er skammtað.
- 2.5. Málrúmtak mælihólfa vínskammtara skulu vera 3 eða 6 cl og skal það tilgreint greinilega á þeim.

### 3. Glös.

- 3.1. Glös skulu vera merkt með málrúmtaki og áfyllingarstriki sem sýnir hvar málrúmtaki þess er náð. Áfyllingarstriki skulu vera skörp og vel sýnileg.
- 3.2. Glös skulu auðkennd þeim sem er ábyrgur fyrir merkingunum. Ábyrgðaraðilinn skal hafa staðfestu á Evrópska efnahagssvæðinu og hafa tilskilin leyfi til merkinga á málrúmtaki glasa og sæta reglubundnu eftirliti.

## SAMÞYKKT

### um stjórn og fundarsköp Norður-Héraðs.

#### I. KAFLI

#### Um skipan sveitarstjórnar og verkefni hennar.

##### 1. gr.

Sveitarstjórn Norður-Héraðs er skipuð 7 sveitarstjórnarmönnum kjörnum samkvæmt lögum um kosningar til sveitarstjórna nr. 5/1998, sbr. 8. og 12. gr. sveitarstjórnarlaga nr. 45/1998.

##### 2. gr.

Starfstímabil sveitarstjórnar hefst 15 dögum eftir kjördag í sveitarstjórnarkosningum og gildir til jafnlengdar að fjórum árum liðnum.

##### 3. gr.

Sveitarstjórn fer með stjórn Norður-Héraðs samkvæmt ákvæðum sveitarstjórnarlaga og annarra laga. Jafnframt fer sveitarstjórnin með yfirstjórn stofnana og fyrirtækja á vegum sveitarfélagsins að svo miklu leyti sem sveitarstjórn hefur ekki falið öðrum slíka yfirstjórn.

##### 4. gr.

Sveitarstjórn skal gæta hagsmuna sveitarfélagsins og vera í fyrirsvari fyrir það og vinna að sameiginlegum velferðarmálum íbúa þess.

##### 5. gr.

Sveitarstjórn annast þau verkefni sem henni eru falin í lögum, reglugerðum og samþykktum. Þá getur sveitarstjórn ákveðið að sveitarfélagið taki að sér verkefni sem varðar íbúa þess sérstaklega enda sé það ekki falið öðrum til úrlausnar að lögum.